

छत्तीसगढ़ी काव्य संग्रह



वि
ज
नसा
र

मुकुंद

१९९९

❀ भि न सा र ❀

(छत्तीसगढ़ी काव्य संग्रह)



मुकुंद कौशल



विशाल प्रकाशन दुर्ग (मध्यप्रदेश)

□

संस्करण :

प्रथम १९८९

□

कापीराइट :

मुकुंद कौशल

□

मूल्य :

सात रुपये

□

प्रकाशक :

विशान्त प्रकाशन

एम आई जी सी-५१६

पद्मनाभपुर

दुर्ग (मध्यप्रदेश) ४९१००१

○

मुद्रक :

रेजीमेन्टल, प्रेस दुर्ग

□

आवरण :

मोहन गोस्वामी

BHINSAAR : CHHATTEESGADHEE POEMS

BY : MUKUND KAUSHAL 7-00

१

उन मन वर

जेवर पखीना

महकत हे चन्दन कस,

धुर्ग ला बलो

जऊन मन

माथ मां चुपरथें

वन्दन कस

२

३

पाठक मित्रों,

छत्तीसगढ़ी रचनाकारों की बुनियादी समस्या है प्रकाशन । रचनाएँ प्रकाशित न हों, तो पाठको तक वे पहुँचेंगी कैसे ? और फिर दृश्यःश्रव्य माध्यमों के आक्रमण ने तो पाठकों से उनका पढ़ने का समय भी हड़प लिया है । कागज मंहगें हो चले हैं, छपाई भी सस्ती नहीं, ऐसी परिस्थिति में अधिक पृष्ठों के काव्यसंग्रह का प्रकाशन आसान कहाँ है ? हमने परिपाटी तोड़ी है ।

यह संग्रह आपका अधिक समय भी नहीं लेगा । एक ही प्रवाह में इसे पढ़कर आप कवि के स्वर से अपना वैचारिक तादात्म्य स्थापित कर पायेंगे, ऐसा हमारा विश्वास है ।

हमें प्रतीक्षा रहेगी, आपके बहुमूल्य सुझावों की, आपकी महत्वपूर्ण प्रतिक्रियाओं की ।

लिखेंगे न ?

-प्रकाशक

दिनान्त प्रकाशन

एम आई जी

सी ५१६ पद्मनाभपुर

दुर्ग (मध्यप्रदेश) ४९१००१

दूरभाष - ३३४६

पानावागी

सूख हर खांसत है	- 1
बनिहार के बिहान	- 2
कस किसान भइया	- 3
बड़ला नांगर	- 4
गाँव के लबारी	- 5
धरले कुवारी	- 6
जिनगी के रद्दा	- 7
लीम के डंगाली	- 8
कहाँ लुकागे मींदर	- 9
चिन्हारी हितवा के	- 10
गोद्वार	- 11
आज नेंगा ले हाँसी	- 12
अतल के रोटी पतल के धान	- 13
करम के सहिमा	- 14
तोर गरब केलास	- 15
आखर के देवता	- 16
गंवई के बात	- 17
सुमता के डोरी	- 18
अइबी चऊमास	- 19
भिनसार के गीत	- 20

सूरज हर साँसत हे

अंगरा कम घाम इहाँ
ओदरत हे आमी जम
कते तनी विसमे हे छाँव ।
मोर भइया रे
अऊ कतका दुरिहा हे गाँव ?

राज भलुन परजा के
मोदरा हे करजा के
बाही माँ ले ले के -
कतका दिन खाँव
मोर भइया रे
अऊ कतका दुरिहा हे गाँव ?

लऊरी हे खाए घर
कुरिया, ओदराए घर
हाथ - मन बिगारी घर
दऊड़े घर पाँव
मोर भइया रे
अऊ कतका दुरिहा हे गाँव ?

सूरज हर साँसत हे
अँधियारी हाँसत हे
काँटा कम गइत हवे
अव अपने नाँव
मोर भइया रे
अऊ कतका दुरिहा हे गाँव ?



बनिहार के बिहान

कर दे मुनादी सरी गांव में
अब बिहान हो गै बनिहार के ।
नांगर हे जेखर जेखर खाँधि में
मालिक हे खेती अऊ खार के ॥
खा लो रे बाँट - बाँट
मया के कोरा ला
मूड़ तुम नवा लो रे
मिहनुत के चोरा ला
रास के पहावल खे काल दर -
परधानी करखोन भिनसार के ।
चूहुके हे जऊन - जऊन
जिनगी भर ये तन ला
चाँहे कम लागथे
वो मुहुरन हम मन ला
ये तोपे बेहरा ला आज तो
संगी मन देख लो उधार के ।
कथनी अऊ करनी
जेखर ऊटपटांग हे
तरि डहर कोविहा
अऊ नथवा गवांग हे
धर देवोन अइसन सब दुमुहां के -
ये नकली संडरी उतार के ।
कऊनो नई पावै अब
फोफूट के जांगर ला
गढ़े हवन जूर मिन के
मुमता के नांगर ला
कहि देखन, आज ले विगारी ला -
कऊनो हर देख लए विगार के ।

□

भिनसार / २

गाँव के लचारी

गज़ल

काखर तिर गोहराई गाँव के लचारी
काखर तिर छाती के बाद ला उधारी

पनिया ला पी के हम चाबत हन सीधा
लबरा मन झड़क्यो रात दिन मोहारी

हमर बर तो कमती हे रामन के कोटा
आगे बर खुल्ला हे देग के दुबारी

घर-घर मेघरावत हें पीतर अऊ जर्मन
मूढ़ना खजुवावत हे फलकमिना थारी

सरकारी दफतर माँ गांधी के फोटू
सूरा के मुँह माँ जस लीन के मुखारी

देग अऊ बिदेस में बरगत हे कला कौशल
पानी बर तरसत हे भइया महतारी



धर ले कुदारी

धर ले रे कुदारी गा किसान
आज डिपरा ला खन के डबरा पाट देबो रे ।

ऊँच-नीच के भेद ला मिटाएच्च बर परही
चली चली बड़े बड़े ओदराबोन खरही
जुरमिल गरीबहा मन, संगे मां हो के मगत
करपा के भारा-भारा बाँट लेबो रे ।
आज डिपरा ला खन के डबरा पाट देबो रे ।

चल गा पंडित, चल गा साहू, चल गा दिल्लीवार
चल गा डाऊ, चली ठाकुर, चल न गा कुम्हार
हरिजन मन घनो चली दाई-दीदी मन निकली
भेदभाव गड़िया के पाट देबो रे ।
आज डिपरा ला खन के डबरा पाट देबो रे ।

जाँगर पेरेइया हम हवन गा किसान
भोम्हरा अऊ भादों के हवन गा मितान
वे पदत पयरा बन हितवा ला अपन हमन
गाँव के गियानी बर छाँट लेबो रे ।
आज डिपरा ला खन के डबरा पाट देबो रे ।

जिनगी के रूदा

जिनगी के रूदा अइबड़ लम्बा हू छिन हमरे चरन
गोड़ ला कहौ - कहाँ हमन धरन
चले पुरबहिया मनन मनन ।

बिजहा रे डारेन नांगर बलाएन
धाने के देवता माँ वादर ला बलाएन
किजर - किजर के बरसी रे वादर तुहरे पंदिया परन
सावन भादों माँ ठंऊका रे बरसिन पानी जनन जनन
चले पुरबहिया मनन मनन ।

अगहन माँ बड़े रे बिहनिया सहाएन
धाने लूएन करपा ला बांधिके ले आएन
मन हर चिरई असन फूदके अऊ नाचै भुइया गगन
ब्यारा माँ बइला मन देऊरी फेदाए देऊई धनन धनन
चले पुरबहिया मनन मनन ।

धाने ला बेचे वर जावन हरन मंडी
कऊनो ओढ़े कथरी ते कऊनो ओढ़े अंडी
कऊनो हू छाँडय दवरिया तें कऊनो बपुरा हू गावथे भजन ।
गाड़ा के बइला के टोटा के घन्टी हू, राजे टनन टनन
चले पुरबहिया मनन मनन ।

भइया के बिहाव मादिस खोजी खोजी
पुतरा असन भइया, पुतरी कस भऊजी
रात दिने भइया लुहुर - टुहुर भऊजी मुनकावै हो के मगन
भऊजी के साँटी हू छम छम बोलै चूरी बाजै खनन खनन
चले पुरबहिया मनन मनन



लीम के डंगाली

लीम के डंगाली चघे हे करेला के नार
इतरावथे लवरा बादर, धेरी धेरी नाचै रे बीच बजार
ये मिठ लवरा हा ।

ठगुवा कस पानी ह ठगै अऊ मूड़ घरे बइठे किसान ।
ये हो भइया गा मोर, कइसे बचावो परान ॥
एक बछर नांगर अऊ बइला ला बोर बोर,
ओरिया अऊ छान्ही ले पानी ह गली खोर,
खपरा बीच बोहावै ना ये भाई खपरा बीच बोहावय ।
रदरद - रदरद रोट - रोट रेला मन,
बारी के सेमी बरबट्टी करेखा मन,
लुहुर - टुहुर धाय - धुपुन जावय नां

ये भाई लुहुर टुहुर धाय धुपुन जावय ।

ये हो भइया गा मोर, पूरा के बड़ नुकसान ।

ये हो संगी गा मोर कइसे बचावो परान ॥

लागे नीटप्पा कस एगां के सावन में,
गोड़ जर भोम्हरा कस भादो के नहावन में,
दुब्बर बर दूअमादें ना ये भाई दुब्बर बर दू असादें ।
बीजहा भुंजाने रे खेत ह सुखावै रे
लइकन अऊ महतारी जम्मों बोबियावै रे
अंगरा मां ठाढ़े ठाढ़े ना ये भाई अंगरा मां ठाढ़े ठाढ़े ।

ये हो भइया गा मोर काबर रिसाए भगवान

ये ही संगी गा मोर, कइसे बचावो परान ।

बिधि के बिधाने मां परबस के साने मां,
धाने के पाने अऊ संझा बिहाने मां,
कीरा के पीरा समाने ना ये भाई कीरा के पीरा समाने ।
सांस के समोना अऊ त्रिनगी के दोना में,
माहू के रोना अऊ बदरा के टोना में,
जम्मो किमानी नंदागे ना ये भाई जम्मो किसानी नंदागे ।

ये हो भइया गा मोर पीरा हर होंगे जवान ।

ये हो संगी गा मोर कइसे बचावो परान ।



भित्तसार/८

कहाँ लुकागे मांदर

का होंगे मोर मुलुक ला भइसन घपटे बादर ।
कहाँ गंवागे बंसी येखर कहाँ लुकागे मांदर ॥

सबो कती भगरा साँसा हर अपनेच घर मां वादे
तिड़ी-बिड़ी छान्ही परचा सब छरी-दरी मादे
अइसन लागत हवै गरीबहा मन के भाग मंदागै
आजादी के बइला परबस गाड़ा तरि फंदागै
राजकाज ला लकवा घर लिम कोदिया होंगे जांगर
कहाँ गंवागे बंसी येखर कहाँ लुकागे मांदर ॥

हुँकला भर के आँसू रहि गे विमटी भर के हाँगी
परजा के मुरहा टोंटा मां मंहुनाई के फाँसी
बोमिया-बोमिया के गोहरावन केंदर केंदर के रोवन
कतेक मोहाटी मन मा हम अंमुअन के बिजहा बोवन
आगी लगए लिखइया मन ला हमर भाग के आखर ।
कहाँ गंवागे बंसी येखर कहाँ लुकागे मांदर ॥

हमर देहला काँच-काँच के ये धोविया मन घोथय
करजा बोड़ी के बियाज मां टिप-टिप लहू निचोथय
कऊनो तीरत रथे निगोटी कऊनो झटकय रोटी
गिधवा मन कस चाम ला कसि कऊवा मन कस बोटी
हमला पाछू मां वंऊड़ा के अपन हू रेंगे आगर ।
कहाँ गंवागे बंसी येखर कहाँ लुकागे मांदर ॥

काए करन, जब चारों मूड़ा जरा जलुम के आगी
सहत जाए मां नई बानि भइया कऊनो के पानी
काली के खातिर हम मन ला अऊ सोने बर परही
तभे हमर हितवा बन करके नवा बिहान उतरही
ओ दिन घरबो हाँव मां हैसिया खाँव मां घरबो नांगर ।
कहाँ गंवागे बंसी येखर कहाँ लुकागे मांदर ॥



चिन्हारी हितवा के

मुन ले मोर भाई, मुन ले मोर भइया—
अइसन मां होंगे मोर देस के कल्याण, नइ बाँचै रे परान ।
कोन अपन हवय कोन हवय रे बिरान, पहिचान ले मितान ॥

दुनिया ले पहिली कस मतखे सिरागै
नदिया के धार भरे भादो मां चिरागै
मोती के का कहिबे मिलय नहीं घोंघा
टिपटिप ले झुड़े लागिस जिनगी के डोंगा
मुख्खा है सहीं मां ईमान के रे तरिया ।

पढ़ लिख के लइका हर खेत ला भूला गे
ददा ओखर नेतागिरी मां बोहारा
चाँदी कस उज्जर मन कर पारिस करिया
इज्जत के कर डारिस चंदरी कस फरिया
गाँव ले भगाके इन तनभे सहरिया ।

ढेकना, गरीबहा के बने हवय नेता
मतखे के दुस्मन ले परे हें सपेटा
गाँव घर मां अप जस अऊ बाहिर बजरंगा ।
पइसा मां भाते हें छोकरा लइघंगा
बाहिर ले हरियर अऊ भितरी मां परिया

दाऊ के ब्यारा मां दंग-दंग ले खरही
तबले गइया ओखर मरही के मरही
बंग-बंग ले सीधर के धुगिया उज्जान
पोंप पोंप मोटर के पोंगा बजाए
बंगला मां बहठ के इन गावथे ददरिया ।



गोहार

मोर कमइया बेटा वापिस दे दे न सरकार ।
मोर पोसइया बेटा मोला दे दे न सरकार ॥
मोर एके झन बेटा रहिस, भाग सिपइहा ओला बनाएवं
बंगला देस के झनरा जामिस, हाए करम में ओला गंवाएवं
में ह सियान बहू बिमरहिन, कोन कमावन कहाँ जावन
जम्मो झिन बर आए देवारी, हमन राँध के काला खावन
बबा फटाका ले दे कहिके बिहनिया ले रोवथे नाती
तही बता मोर का देवारी, का दीया का तेल का वाती
झनदे-झनदे खाए के खातिर, हमन तो लाँघन रहि जावो-
नाती बर छुरछुरी मोला दे दे न सरकार ।
मोर पोसइया बेटा मोला दे दे न सरकार ॥
में ह गरीबहा मनखे भइया, बनि कमा लइका-ला पड़ाएवं
काम कहें मिल जातिस कहिके बाबू भइया ला गोहराएवं
बनी भूति कुच्छु नई मीनिस नौकरी घलो भरती होगे
देस के रक्षा करहूँ कहिके वो सेना मां भरती होगे
कतको बेटा मन भइया बर जंग लड़िन परलोक सिधारिन
अऊ ये मन सिमला मां ओखर जीते भइया ला दे डारिन
मोरो बहू के मांग के सेंदूर, माय के टिकली ओट के हौसी-
जुच्छा हाँथ के चूरी मोला दे दे न सरकार ।
मोर पोसइया बेटा मोला दे दे न सरकार ॥
छे दिन होगे लाँघन हवन, मांग के लाने चाँऊर सिरागे
कोन ला कहेंव कहिती अपन, रोवत-रोवत आँखी पिरागे
बहुरिया के लुगरा घलो, चेंदरी चेंदरी हो गे हवय
मोर संगे बपुरी लईकोरी दुख ला आव्वइ भोगे हवय
अब सहै नई सकांव मेंह काहीं कुछु खा के मरि जातेंव
ये भगवान उच्चा लेते मोला ये पीरा ले मै तरि जातेंव
ये जिनगी ले पार लगे बर, अब तो छाती मां भोंगे बर
पाँच परचंव छुरी मोला दे दे न सरकार ।
मोर पोसइया बेटा मोला दे दे न सरकार ॥



आज नंगा ले हौंसी

तुही मनन समझाहू हमन ला बिचार के ।
कोन पढ़ही भाग ला हमर ये कपार के ॥
रहत परे खेत खार, रहत हे उमंग हो
हौंसी खुसी कुडुक होगे, झरगे हमर रंग हो
जियत हवन अइसन जस उमर हे उधार के ।
जर ला अपन जांगर के, दे देथन सेठ ला
मिहनत के हू कौरा मिलए नहीं पेट ला
पीठ तरि चटकत हे पेट हू बनिहार के ।
अइलाए ओठ हमर, सुवकत हे राग जी
अइसन मां जिनगी हर का गावै फाग जी
काछन चघे पीरा नाचए सहर ला गोहार के ।
रोज कमाधन-रोज के खाधन नहि ते रखन लाधन भा
बेरा ला तुरताए के हमन काखर कर मांगन गा
हमर बर नी आवै कभू दिन हर इतवार के ।
अऊ फतका दिन आधा रह्य ये बनिहार के पेट हर
जियए तो इन पेट के खातिर मरए तो इन पेट बर
तुही मन नियाव करव सौंच अऊ बिचार के ।
का होली का फागुन भइया अइसन हमर हाल हे
रंग पछीना-चिखला-माटी, घुरी हर गुलाल हे
हमर खातिर जम्मो दिन, हे फागुन तिहार के ।
मंही हमर ठंडई जोंडी पसिया हवै भांग वो
पेट नंगाड़ा मोर हवै तोर चूरी हवै चांग वो
आज नंगाले छिन भर हौंसी जा कऊतो सुखियार के ।

अतल के रोटी पतल के धान

हितवा मन के का पहिचान
कोन अपन हे कले बिगान
रखवारे खुद खेत ला खा दिस
गांव ला लीलत हे परधान

अतल के रोटी पतल के धान

धरवे मुसुवा धर बुचि कान

मंजन खोरवा साझ हे अंधरी
रात बिस्तरहित मरे बिहान
देस ह होंगे खिदविद-खिदविद
कतका भेड़िया बतेक धमान

अतल के रोटी पतल के धान

धरवे मुसुवा धर बुचि कान

अपन गुवारथ नाँव धरम के
अब तो बाँवए लही परान
पर बुधिया मन धमना कूदए
हमर सियनहा परे उतान

अतल के रोटी पतल के धान

धरवे मुसुवा धर बुचि कान

रवसा मन करगा कस बनरे
मनखे होंगे परहर धान
टऊर तंगा के कोचिया मन हर
इहाँ लगा लिन अपन दुकान

अतल के रोटी पतल के धान

धरवे मुसुवा धर बुचि कान

ये बस्ती हे भैरा मन के
काखर पूछत हवस मकान
हम मन भइगे भात के पुरती
लाल मुँह के बेंदरा खाए बीरो पान

अतल के रोटी पतल के धान

धरवे मुसुवा धर बुचि कान



भिनसार/१३

करम के महिमा

दूदिन के जिनगानी ए
दूदिन आनी आनी ए
दूदिन सबो कहानी रे भइया
दूदिन सब मनमानी ए
रोए धोएले भाग नी बदले हाँस खेल अऊ गाले ।
रे पगला, ये जिनगी के डोंगा—
—खेवत—खेवत पार लगाले ॥

जइसे करवे करम, इहाँ तोर बइसे लेख लिखाही
जऊत ह जतका मिहनत करही, तऊत ह ओतका पाही
तँ मनखे के जनम धरे अस, जनम ला सुफल बनाले ।
रे पगला, ये जिनगी के डोंगा—
—खेवत—खेवत पार लगाले ।

का साधू का जती संत का सती, राज का रानी
करम के परचा मां निरुखे हे सबके राम कहानी
ये लेखा ला बाँच बँचा ले, जगत में नाच तचा ले ।
रे पगला, ये जिनगी के डोंगा—
—खेवत—खेवत पार लगाले ॥

अपन कथन ते आँखी के ओझा मां कपट करत हे
मंथूरस असन, बचन के भितरी, आगी लपट बरत हे
साँचा नइये जगत मां कऊनो, कतकोन किरिया खाले ।
रे पगला, ये जिनगी के डोंगा—
—खेवत—खेवत पार लगा ले ॥



तोर गरब कैलास

बोले नहीं रे भुइया गा, बोले नहीं रे आकास ।
अवन मरम ला फूल नी बोले, बोले नहीं रे सुवास ।

ये दुनिया के उलटा चलनी,
लंगटा सियनहा होंगे
कखरो करनी के भरनी ला,
सिधवा बिचारा भोगे

रंग-रंग के पीतर जर्मन माँ का बोले फूल काँस ।

आज लधारी सोंच कहावै,
पाप खड़े मेछरावै
बने ह गिनहा के गुन गानै
पुत्र ह परे ऊँधरावै

अइताचार के भोम्हरा तीरे का बोले चऊमास ।

तोर पल्लीना हावए अमरित,
वाणी तोर बिसवास
ए जुग के तेहर भानीरख,
तोर गरब कैलास

तोरे लाए ले गंगा आही तँ जन होवे उदास ।



आखर के देवता

जुग बदलिस,

जिनिस नैवा, जोरो तुम साहित माँ

रहि-रहि के मन पीटौ

जुन्ना रे डँड़ ।

ओदरादौ,

छान्ही के सरहा सब कमचिल ला

अऊ ओमां डारौ

अब नैवा-नैवा कौड़ ।

राजा अऊ रानी के

गोठ सबो पछुवा गै

मन के ये अंगना ला

बने असन धोवौ

भाखा के नँदिया हर

भरे हवँ टिपटिप से

साहित के डोली ला

खेत कस पल्लोवौ

पहिरावौ भाखा ला,

कितिस-कितिस के लुगरा

जुन्ना सब ओन्हा ला

देवो जी छॉड़ ।

कलम के सिपइहा मन

उठ बइठव नइया हौ

नैवा सुरुज देवथे

स्याही के तेवता

झूपी तुम,

मोर दुलरी भाखा के बइगा हौ

बड़दिन माँ जागे हे

आखर के देवता

बरसन के जाने

सब बेंडी ला टोरी अऊ

खोली तुम आज

नैवा सुरुज के केवाड़ ।



भितसार/१६

गंवई के बात

गंवई माँ आये त संगी, जावे ती ह मात रे ।
का बतावौ संगी तोला, गंवई के बात रे ॥

लहर लहर लहरावै पुरवहिया ह
नाचै रे मन के मंजूर
मोगरा महक जाये वुडती के अंगना माँ
पिबरा अगरे सिन्दुर

गफवा के रेंगथे बरात रे ।
का बतावौ संगी तोला गंवई के बात रे ॥

संझा माँ छान्ही के खपरा के झेंझरा ले
गुड्ड-गुड्ड धुगिया उड़थे
संझा के बेरा माँ पिबरा तरङ्गिया मे
ललहै नुसज घली बूढ़थे

तहाँले फेर हो जाये रात रे ।
का बतावौ संगी तोला गंवई के बात रे ॥

विहना के नुसज ह दिन के निसेनी ले
ले ले के येमा उतरथे
संझा माँ पिबरी अँजोर ओगरि जावे
चन्दा के अमरित बरसवे

चंदेनी खवाये दूद बात रे ।
का बतावौ संगी तोला गंवई के बात रे ॥



सुमता के डोरी

फागुन हर आगे उड़य गुलाल अऊ अबीर ।
संगी मन जुरिया के गावर्थे कबीर ॥

झांझ अऊ बंडोरा धूकय सनन सनन
जिनगी के गाड़ा रंगे घनन घनन
आज मुस्ता ले रे संगी काँसड़ा ला तीर ।

फागुन के आएले हरियाए हे मन दीना
मौघ के महीना के हों ग रे गीता
रेसमइहा पुरवाही होवत हे अधीर ।

मोला मिशार ले तैह आज अपन संग
रंग झन छीव, बुडोवे मोला अपन रंग
जिऊ हर एक हो जावे रह्य दू सरीर ।

आज सब झगरा के हँडिया ला फोरी
सुमता के डोरी ले सब जन ला जोरी
मन मां मया ला धरी मन हे मंदिर ।
संगी मन जुरिया के गावर्थे कबीर ॥

अइबी चऊमास

पेती उती आसू पीछू मगन मुचनुवावत ।
बादर हर नाचत हे कनिहा मटकावत ॥

चिरगुन-चिरइया मन सपटे हें छांव मां ।
सावन हर हवरण हवय हमरो गांव मां ॥

पानी हर टूट परे हवय भरमरा के ।
लइका मन मंजा लेवत हवय करा के ॥

चारों कती हरियाली फरियाए हावय ।
गली-गांव खार-खेत बिखलाए हावय ॥

गाय गर जावथें भोम्हरा के नहावन ।
डिपरा मन उल्लत हें इवरी मां सावन ॥

इवरा मन कनिहा मां पाए हें अकास ।
गेंडी कूदत हावय अइबी चऊमास ॥



भिनसार के गीत

ठोमहा भर धाम धरे आ गइस बिहान ।
रचरच ले टूटगे अंधियार के मचान ।

छरी-दरौ हो के बगर गे गुलाल ।
पिकरागै उत्ती, बेरा होगै लाल ।
धपड़ी बजावत हें पीपर के पान ।
रचरच ले टूटगे अंधियार के मचान ॥

घर-घर में मिहनुत के देवता हर जागै ।
अंगना मां छरी कस किरन हर छिचागै ॥
घोन्डत हे व्यारा मां खरही के धान ।
रचरच ले टूटगे अंधियार के मचान ॥

मगन हे किसानिन अऊ झुमरत हे धनहा ।
हँसिया-बासी घर के निकलगे किसानहा ॥
अमरइया गावत हे हाँराए छलिहान ।
रचरच ले टूटगे अंधियार के मचान ॥





संक्षिप्त परिचय -

नाम - मुकुन्द कीश्वर
जन्म - ७ नवम्बर १९४७
जन्मस्थान - दुर्ग (मध्यप्रदेश)
मृत्यु - १९६० में

प्रकाशन - : देश-विदेश की लगभग १५० से अधिक पत्र-पत्रिकाओं में एवम् अनेक अखबारों में लेख, कहानियाँ एवं कविताओं का सतत प्रकाशन

प्रसारण - : -आकाशवाणी के रायपुर केन्द्र से रचनाओं का प्रसारण
-आकाशवाणी के एम्पूहट कवि
-दूरदर्शन के दिल्ली केन्द्र में छत्तीसगढ़ी गीतों का मूल्य नाटिकात्मक प्रसारण

कैंग्रेट्स - : छत्तीसगढ़ी के अनेक गीत विभिन्न कैंग्रेट्स में संग्रहित

संस्कृतिय - : -चंदेनी गोवा, मोनहा विहान तथा गुवा विहान के विद्ये गीत लेखन
-छत्तीसगढ़ के सांस्कृतिक पुनर्जागरण में उत्कृष्टतम योगदान

अन्तराष्ट्रीय उपलब्धि -अमेरिका के शिकागो विश्वविद्यालय में अध्यक्षता
(डा० सरस्वती देवी वर्मा द्वारा अवधि) छत्तीसगढ़ी के दस गीत An anthology of Chhattisgadhi Poetries के अंतर्गत संग्रहित
-(१९७८) मद्रास अन्तर्गत अन्तराष्ट्रीय में सांस्कृतिक प्रतिनिधि के रूप में कार्य

समय - : साइड रिफाइनर, (आदिवासी कैंग्रेट्स का अध्ययन)

संपादक सूच - : मद्रास जवाहर चोक दुर्ग (मध्यप्रदेश) 491001

इस संग्रह के बारे में.....

भाई मुकुंद कौशल का छत्तीसगढ़ी लघु काव्य संग्रह "भित्तसार" आपके हाथों में है। इन रचनाओं के विषय में कुछ कहना एक मीठी, मुखर और जीवंत बोली की रचनात्मक शक्ति की निरन्तरता को सलाम करना है। इस मानी में मुकुंद कौशल मात्र एक व्यक्ति नहीं बल्कि सृजन परम्परा की एक कड़ी है।

छत्तीसगढ़ अंचल लेखन, लेखकीय मूवों पर संवाद और विचार आन्दोलन की दृष्टि से एक उबलता हुआ इलाका है। बहुत बड़ी मात्रा में रचनाकार यहाँ लिख रहे हैं और निरन्तर संवाद कर रहे हैं। विचारों की हंदात्मकता से जो चिन्तारी छिटक रही है उसके प्रकाश में रचना जवान हो रही है। छत्तीसगढ़ी कविता के मुख पर भोलापन और दुध की सौधी गन्ध भर नहीं है, अब उसकी आँखों में जागरूकता और ओज भी है।

मुकुंद कौशल उस दौर के कवि हैं जहाँ छत्तीसगढ़ी कविता केवल शाब्दिक सौंदर्य लय और ध्वन्यात्मक मिठास तक सीमित नहीं है। लोकसंगीत की गेयता, लोक साहित्य के प्रचलित छन्दा में बूले ग्रामीण अंचल के चित्रों मानवी रूप और मूद्राओं के उजले चित्रों में ही अब बंधी हुई नहीं है। इस दौर में वह सामाजिक यथार्थ की कविता बन गई है। अब इसमें राजनैतिक दृष्टि एवं चेतना घुस रही है।

मुकुंद कौशल लम्बे अर्थों में लिख रहे हैं। उनकी कविताओं में उभरता चिंतन और उनकी प्रतिबद्धता उनके यथार्थवादी काव्यधारा में जोड़ती है। एक ओर जहाँ "मिहनत के सीरा" को मूढ़ नैदाने का संदेश उनकी कविता में है वहीं उसमें प्रसन्न स्त्रि और सौंदर्य के प्रति अकण्ठ भी है। वे लोकजीवन के कैनवास पर रचना करते हैं किन्तु उनकी कविता मात्र भाषिक संरचना नहीं है बल्कि प्रगतिवादी विचार आन्दोलन का हिस्सा भी है। भावपूर्ण वे अपनी रचना में और निखार पैदा करें इस श्रमकामता के साथ—

२६ जनवरी १९८६

डॉ. रमाकांत श्रीवास्तव

(हिन्दी विभागाध्यक्ष)

इंदिरा कला संगीत विश्वविद्यालय

खैरागढ़